

兗州府志卷首上

列三言

順治二年奉

聖旨孔廟謚號加稱大成至聖文宣先師孔子既監科考訂僉同准如議行一應禮儀並照明朝舊例不必更改該部知道

順治八年奉

上諭山東水災頻乘亟須賑濟以倉穀賑窮民以學租賑貧士

康熙二十三年奉

兗州府志

卷之首上

一

上諭東巡經行山東各州縣衛所丁銀曲阜縣地丁銀俱行豁免

康熙二十五年

詔山東省本年地丁錢糧盡行豁免并令地方官勸諭紳衿富室將地租酌量減徵嗣後蠲免錢糧之省將蠲免之數分作十分以七分蠲免業戶以三分蠲免佃種之民

康熙三十年

詔內南省明歲漕糧已頒諭免徵外湖廣江西浙江江蘇安徽山東應輸漕米自康熙三十一年始以次各

滿一年

山東省係三十六年

康熙三十七年奉

上諭戶部山東濟兗青三府屬比歲不登米價騰貴保舉賢能司官二員前往會同該撫一面賑濟一面奏聞

康熙三十八年奉

上諭朕巡省民生風俗南至於江浙茲已返蹕行經山東沿途見父老咨詢農事幸今歲雨暘時若二麥既登小民可以無憂粒食但年前被災泰安等二十七州縣生計尚未豐盈宜更加恩休養所有康熙

兗州府志

卷之首上

二

三十六年未完地丁銀米俱着免徵其三十七年應徵錢糧原因災傷令三十八年完納今念一歲之內竝輸兩歲之租物力艱難未能兼辦着分作三年帶徵以示寬恤戶部移文該督轉飭有司明白張示務使窮鄉僻壤均霑實惠以無負朝廷曲軫民依至意

康熙四十二年奉

上諭朕經過泰安州新泰蒙陰沂水郯城等縣見民有饑色並急行賑救經過地方雖經賑濟蠲免錢糧但州縣倉穀年久朽爛無裨于賑濟今着將總漕漕

米內用二萬石交與河道總督揀選賢能官員運至濟寧州兗州府等處州縣減價平糶有應賑之處卽行賑濟漕運總督亦將米二萬石於泰安州一路散給又將收稅差回之官七員并發在京旗民犯罪降級贖罪一百名伊等俱照養蒙古例以所用之多寡議叙着戶部會同九卿速議具奏
康熙四十九年奉

上諭朕膺

天眷祇承

列祖鴻庥統御萬方子育兆庶厯懷至治宵旰靡寧幸際

兗州府志

卷之首上

三

海宇同風邊隅向化遐邇中外帖然衽席之安是皆仰荷

天地

祖宗福祐之所致也方朕八齡踐阼之初

太皇太后問朕何欲朕對臣無他欲惟願天下治安生民樂業共享太平之福而已迄今五十年矣惓惓此心未嘗一日少釋每念民爲邦本勤恤爲先政在養民蠲租爲急數十年以來除水旱災傷例應蠲免外其直省錢糧次第通蠲一年者屢經舉行更有一年蠲及數省一省連蠲數年者前後蠲除之

數據戶部奏報通共會計已逾萬萬朕一無所顧
惜百姓足君孰與不足朝廷恩澤不施及百姓將
安施乎朕每歲供御所需概從儉約各項奏銷浮
冒亦漸次清釐外無師旅饟餽之煩內無工役興
作之費因以歷年節省之儲蓄爲頻歲渙解之恩
膏朕之蠲免屢行而無國計不足之慮亦恃此經
畫之有素也比來省方時邁已歷七省南北人民
風俗及日用生計靡不周知而民所以未盡殷阜
者良由承平日久戶口日繁地不加增產不加益
日用不給理有必然朕洞燭此隱時深軫念爰不

靳敷仁用甦民力明年爲康熙五十年思再沛大
恩以及吾民原將欲天下錢糧一概蠲免因衆大
臣集議恐各處兵餉撥解之際兵民驛遞益致煩
苦細加籌畫悉以奏聞故自明年始于三年以內
通免一周俾遠近均霑德澤直隸奉天浙江福建
廣東廣西雲南貴州各巡撫及府尹所屬除漕項
錢糧外五十年應徵地畝銀共七百二十二萬六
千一百兩有奇應徵人丁銀共一百一十五萬一
千兩有奇俱着察明全免竝歷年舊欠共一百一
十八萬五千四百兩有奇亦俱着免徵其五十一

年五十二年應蠲省分至期候旨行

山東省係五十二年

雍正三年奉

上諭去年山東濟南兗州東昌三府偶有水災朕心軫恤蠲賑兼施復將本年漕米或全緩徵或緩徵一半以紓民力今年山東雨水調勻二麥豐登民生樂業惟是去歲被水低窪之處又經今夏之雨未必能及時播種以獲全收查去歲緩徵之米應於今年並徵誠恐民力艱於輸將用是再沛恩澤將去年全緩之州縣令其于今年帶徵一半明年帶徵一半着山東巡撫轉飭各該州縣實力奉行務使兗州府志

卷之首上

五

民力寬餘以副朕加惠閭閻之意又聞山東登萊青三府連年豐稔此時商販之米自東而西者絡繹不絕着山東巡撫酌量動用帑銀委官購買分貯于濟南等屬米少之州縣再勸諭各商販等多運米石至濟南三府俾民間得以收買存貯則明歲青黃不接之時米價不至騰貴實預籌足民之善策也爾部可卽遵諭行

雍正八年奉

上諭前據總河奏報南河水溢情形知山東地方有發水被淹之州縣已諭令該撫率同有司就近加意賑

惟茲據總督奏稱兗州府屬之滋陽曲阜寧陽泗水嶧縣金鄉魚臺濟寧汶上曹州府屬之嘉祥鉅野濟南府屬之歷城章邱淄川長山新城齊東東昌府屬之聊城堂邑莘縣冠縣濮州屬之范縣聊城青州府屬之臨淄樂安沂州泰安州并州屬之新泰萊蕪東平州并州屬之東阿東平所莒州屬之蒙陰等處於六月二十一至二十六等日風雨交作山水陡發河流驟長其傍山臨河處所有窪下之地田禾室廬皆被水淹浸查雍正三年被水仰蒙特頒諭旨將田地被淹房屋倒塌之窮民

悉加恩賜今年被水之民可否將生計蕭條不得收穫者動用存倉穀石大口每月給穀三斗小口每月給穀一斗五升各給兩月口糧其房屋倒塌無力修理者於藩庫存公銀兩內每戶酌給銀一兩五錢以爲葺屋之費如蒙俞允卽檄飭藩司道府督同地方官實心辦理等語覽奏朕心深爲軫念着照該督所請轉飭司道等官仰體朕心按戶速行散賑務令均霑恩澤其無力修理房屋者著賞給銀兩速行修葺俾得安堵棲身勿使一夫失所至于賞給口糧着于兩月之外增添一個月

應免錢糧之處卽曉諭停徵着該督撫將如何蠲免之處確查定議奏聞

雍正九年奉

上諭山東地方上年遭值水患窮民乏食朕心軫念屢頒諭旨并遣大臣賜粟賜金加恩賑濟不忍使一夫不獲其所又念該省禾稼歉收則今春青黃不接之時米價必致騰貴特命截留隣省漕米三十五萬石撥運奉天米穀二十萬石減價平糶以惠濟閭閻朕之爲東省民食計者亦脩極籌畫矣今朕細思上年濟兗東三府之被水較平時爲甚目今

兗州府志

卷之首上

七

發粟平糶在糶米之家固不慮價值之高昂而赤貧之民仍苦于糶買之無力且聞被水之後覓食窮民有轉徙于四方者今各省漸次各送回籍此等民人回籍之後無以爲存養之資勢必至于失業深屬可憫今朕再沛恩膏着侍郎劉

登

濟

確查實在貧民無力糶買穀石者加

給兩個月口糧以恤其困苦資其耕作查濟兗東三府尙有存穀四十萬石卽將此爲散賑之需倘不敷用再將截留之漕米以二十萬石平糶以十五萬石增添散賑劉

於義

牧

可登

岳

濟

可仰體朕

心遴選賢員作速分途辦理使黎民均霑實惠並傳宣朕旨切加曉諭百姓等受朕格外之恩當乘此春和努力耕種勿因失業而作邪僻之事勿因困阨而懷怨尤之心果能祇遵朕訓則善良之風豫順之氣自能感召

天和賜以安全之福思之勉之

雍正十年奉

上諭山東兗州東昌二府春夏以來雨澤愆期民間乏食朕心深爲軫念已降諭旨着該撫藩等將東省存倉米石速行賑濟平糶並令通商截漕以脩接濟

兗州府志

卷之首上

八

又遴選部內候補候選人員及選拔貢生等命往協辦賑濟之事但二府地方遼濶戶口繁多若得本省人員前往更可周徧妥協朕思在京居官及赴部候補候選者兗東二府之人必多伊等旣熟悉風土人情又兼桑梓情深必能實心辦事以甦民困着大學士等揀選一二十員奏聞令往山東與地方官等按戶按名查勘賑濟每人在京酌賞銀兩以爲路費俾其星速起程

乾隆二年四月十八日總理事務王大臣奉

上諭今年春夏以來京師及畿輔雨澤稀少而山東地

方亦有缺雨之郡縣朕已屢降諭旨多方籌畫以爲先事之脩今思節近小滿甘霖未降麥秋料已失望民心未免惶懼除已經降旨緩徵外著將直隸通省今年應徵地丁錢糧蠲免七十萬兩山東通省應徵地丁錢糧蠲免一百萬兩俾民力寬舒民氣愉暢如將來仰蒙

天祐霖雨普施秋成不致歉薄則閭閻霑朕格外之恩亦加惠元元之誼所謂百姓足君孰與不足者也嗣後如得雨稽遲有妨農事則應行賑恤等事仍應加意辦理毋使一夫失所該督撫當仰體朕宵旰焦勞惠普黎庶之心督率有司敬謹奉行務使小民均霑實惠並出示通行曉諭知之欽此
乾隆十年奉

上諭據巡撫喀爾吉善奏濟寧魚臺滕縣嶧縣郯城臨清衛海豐七州縣衛偶被偏災現在查明賑濟所需賑糧如倉貯不敷就近撥濟再不足銀穀兼賑每穀一石照例折銀五錢等語朕思被災之地穀價必昂災民所領穀價恐或不敷買食着于舊例每石五錢之外再增一錢折給俾得從容購買以示朕加惠災黎之意

乾隆十二年奉

上諭朕誦簡編心儀

先聖一言一動無不奉

聖訓爲法程御極以來覺世牖民式型至道願學之切
如見羹牆辟雍鐘鼓躬親殷薦而未登闕里之堂
觀車服禮器心甚歉焉仰惟

皇祖聖祖仁皇帝巡幸東魯親奠孔林盛典傳於奕禩

皇考世宗憲皇帝崇聖加封重新廟貌嘗遣朕弟和親王
恭代展祀未以命朕意者其或有待歟朕寅紹不

基撫茲熙洽思以來年春孟月東巡狩因溯洙泗

兗州府志

卷之首上

十

陟杏壇瞻仰宮牆申景行之風志復奉

聖母皇太后懿旨泰山靈嶽坤德資生近在魯邦宜崇報
饗朕不敢違爰遵

慈訓親奉

鑾輿秩於岱宗用答鴻貺旋蹕青齊觀風布澤以昭崇

聖法

祖教孝省方鉅典所有應行典禮大學士會同該部稽考
舊章詳悉具議以聞其應預脩之各衙門查察事
宜先期請旨至行在一切所需悉出公帑毋得指
稱供頓儲侍絲毫貽累閭閻羽林衛士內府人役

等各該管大臣嚴行稽查約束並令扈從文武臣僚嚴飭僚從毋或侵踏田疇致妨宿麥如有騷擾地方指名需索者立即叅奏從重治罪通行曉諭知之

乾隆十二年七月十五日奉

上諭前據山東巡撫阿里衮奏稱歷城等二十縣衛被水電朕已諭令緩徵今據續報濟南府屬之德州陵縣德州衛泰安府屬之泰安肥城東平州東阿平陰武定府屬之青城利津霑化兗州府屬之滋陽曲阜寧陽鄒縣金鄉濟寧衛嘉祥汶上壽張並

兗州府志

卷之首上

七

東平守禦所曹州府屬之荷澤鉅野鄆城單縣城武沂州府屬之費縣東昌府屬之博平清平高唐恩縣青州府屬之博興高苑樂安等二十四州縣衛所六月下旬大雨時行山水漲發沿山傍水窪下鄉村一時宣洩不及晚秋未免損傷等語雖屬偏災而被水窮黎深可憫惻着該撫加意撫恤所有新舊應徵錢糧概緩徵收以紓民力查明後應行辦理之處照例作速辦理務令得所

乾隆十二年十一月二十五日奉

上諭朕尊崇

先聖仰止宮牆已降旨於來歲孟春躬謁孔林嗣因東
省水潦成災雖經賑恤恐一時民氣未復若改俟
秋間前往未知于民情實在若何在該地方業經
動帑預備遲至秋間未免又多一番勞費踴躍望
幸自屬輿情但巡幸大典所期于閭閻實有裨益
是以特召巡撫阿里衮來京面加諮詢或春或秋
何者爲便據該撫奏稱東省被災州縣俱已撫綏
得所其經行道路營盤俱經預備雖春月前往春
麥雖不得補種而秋田卽可及時耕作以待秋成
若遲至秋間則旣悞麥收并妨秋稼卽在地秋禾
亦須早穫于民間歲計未便等語看此情節則改
至秋間仍不如乘春前往爲宜但正月尙寒着定
於二月初四日奉

皇太后鑾輿起程欽此

乾隆十三年奉

上諭山東上年被災州縣頗多雖屢加恩賑濟期災民
不致失所今清蹕巡歷深用惻然損上益下厥有
明訓以休以助是謂常經其再加恩將經過被災
州縣無論極貧次貧于現賑外普行加賑一月其
不經過處所被災七分以上者極貧之民亦加賑

一月以示優恤該部卽遵諭行

乾隆十三年奉

上諭朕巡幸山左駕幸畿南雖安營除道絲毫不以累民而閭閻望幸宜溥恩施着將直隸山東經過州縣本年錢糧蠲免十分之三該督撫各董率地方官作速查明蠲賞務俾小民均霑實惠欽此

乾隆十四年奉

上諭山東鄒平等二十州縣衛被水偏災而萊州府屬之平度膠州爲獨重雖經降旨多方賑恤但按月計筭此時賑務將次告竣去麥秋尙遠積歉之區

兗州府志

卷之首上

三

青黃不接朕心深爲厯念着將被災之平度膠州高密昌邑四州縣無論極貧次貧民概行加賑一月被災稍重之新城金鄉魚臺濟寧博興樂安六州縣極貧之戶加賑一個月仍照前例銀穀兼賑其餘災輕之處及時借糶以濟民食該撫準奏其督率屬員實心辦理務俾窮黎安居力作以待麥收慰朕軫恤之意欽此

乾隆十五年欽奉

恩詔內開一軍民婦人年八十以上者賞給絹二匹米一石九十以上者倍之百歲者題明給與建坊銀

兩

乾隆十六年欽奉

恩詔內開一軍民年七十以上者許一丁侍養免其雜
派差役八十以上者給絹一匹棉一觔米一石肉
十觔九十以上者倍之百歲者題明給與建坊銀
兩

乾隆二十一年奉

上諭朕親詣闕里恭謁

孔林虔申祭告巡省所至行慶施惠以昭盛典所有經
過州縣內男婦七十以上者該督撫查明照從前

兗州府志

卷之首上

四

恩詔之例分別賞賚用副朕引年恤老至意欽此

謹按二十二二十六二十七三十等年賞賚並同

乾隆二十一年奉

上諭朕此次祭告闕里恭謁

祖陵鑾輿所至一切供頓皆動正項絲毫不以累及閭閻

惟念安營除道雖已計丁給值終未免有資民力
所有直隸山東經過地方本年應徵錢糧着加恩
蠲免十分之三其有上年秋收稍歉者雖勘不成
災而農民生計究屬拮据着統前蠲免十分之五
該督撫其嚴飭屬員詳悉查明分別辦理勿致不

自胥吏侵漁中飽務使小民均霑實惠欽此

乾隆二十一年奉

上諭朕躬詣山東祭告

先師孔子車駕所至旣已宏敷愷澤而曲阜爲駐蹕之地是以廣沛恩膏用昭盛典着將該縣乾隆丁丑年應徵地丁錢糧全行蠲免該部卽遵諭行欽此
乾隆二十二年奉

上諭東省濟寧金鄉魚臺鄒縣滕嶧等被水州縣近因漳水浸漫已涸已種地畝復被淹沒業降旨先行急賑一月其未經涸出至今尙淹者本未種植向

兗州府志

卷之首上

五

例非禾苗被淹不得報災但此等災地兩年顆粒無收待哺嗷嗷情尤可憫着加恩照已種復淹地畝一體賑恤以甦民困再該處須食饑民甚衆穀價未免稍昂若照每石折給銀五錢之例恐不敷買食着再加恩每石增給銀一錢俾市糴寬裕不致拮据至濟寧衛及滋陽汶上荷澤陽穀等縣續經被水之處亦着該撫查明照例賑恤俾災黎得霑實惠副朕痌瘝一體至意

乾隆二十二年奉

上諭朕此次南巡經過山東地方本年應徵地丁錢糧

着加恩蠲免十分之三上年被災處所着蠲免十分之五

二十七年同

乾隆三十年奉

上諭朕此次巡幸江浙所有經過直隸山東地方本年應徵地丁錢糧俱着加恩蠲免十分之三該督撫等務董率屬員實力奉行俾小民均霑實惠欽此
乾隆三十一年正月初二日奉

上諭朕統御萬方孜孜求治以愛育黎元爲念自御極以來蠲賜所逮不下千億萬乾隆十年曾恭依

皇祖普免直省錢糧恩例蠲除天下額徵正賦二千八百

兗州府志

卷之首上

去

萬有奇期斯民家給人足咸臻樂利惟歲運漕米向以供給俸餉廩糈之用非水旱特蠲例不普免夫八政以食爲先閭閻蓋藏尤資饒裕恭閱

皇祖實錄康熙二十年

特頒恩旨將各省起運漕糧通行蠲免一週大澤均霑慶逾常格仰惟

皇祖冲齡踐祚御臨之三十年春秋未及四十朕年二十有五始登大寶應禋受祉迄今亦閱三十年際重熙累洽之會必世昌期均符泰運其爲慶幸倍深
茲荷蒙

上天眷祐

列祖鴻庥函夏謐寧疆宇式闢北庭西域二萬餘里咸隸版圖外有耕屯之獲內無餽餉之勞且連年歲穀順成庶物豐殖京通倉貯儘有餘粟

天既誕貽樂歲惠洽昇平朕自當仰體

天心以推恩黎庶實用敬承嘉貺懋繼前謨使薄海億兆並裕倉箱之慶所有湖廣江西浙江江蘇安徽河南山東應輸漕米著照康熙年間之例于乾隆三十一年爲始按年分省通行蠲免一次其江寧京口杭州荊州等處駐防地方該省漕米旣蠲所有兗州府志

卷之首上

七

盛朝典禮

太宗文皇帝崇德元年遣官致祭于

孔子廟以顏子曾子子思子孟子配享 五年定每年二月八日上丁日行釋奠禮

世祖章皇帝順治二年定

文廟謚號稱爲

大成至聖文宣先師孔子二月上丁致祭遣大臣一員行禮翰林院官二員分獻國子監堂官祭